



Sarajevo, 3.9.2024. godine

Broj: 06-06-2-885-2/24

Poziv na prezentaciju digitalne platforme „Ekonomska diplomatija MVP BiH“

Vanjskotrgovinska/Spoljnotrgovinska komora Bosne i Hercegovine (VTK/STK BiH) i Ministarstvo vanjskih/inostranih poslova Bosne i Hercegovine (MVP/MIP BiH) pozivaju predstavnike kompanija i poslovne zajednice iz Bosne i Hercegovine na promociju i prezentaciju unaprijedene verzije digitalne platforme „Ekonomska diplomatija Ministarstva vanjskih poslova Bosne i Hercegovine“.

Cilj prezentacije je upoznati predstavnike poslovne zajednice u Bosni i Hercegovini sa mogućnostima i načinom funkcioniranja digitalne platforme „Ekonomska diplomatija MVP BiH“.

Pozivamo kompanije da se besplatno registruju na platformi, kojoj se može pristupiti preko linka:

<https://ekonomskadiplomacija.mvp.gov.ba/>

Prezentacija će se održati u prostorijama VTK/STK BiH u Sarajevu, ulica Branislava Đurđeva 10, u utorak, 17.9.2024. g. s početkom u 11.00 sati. Učesnici prezentaciju mogu pratiti uživo u prostorijama VTK/STK BiH u Sarajevu ili online, putem Zoom platforme (potrebno navesti prilikom prijave).


Učešće na prezentaciji je **besplatno** za predstavnike bh. kompanija koji izvrše prijavu popunjavanjem [online prijavnog obrasca](#), najkasnije do petka, 13.9.2024. godine do 12.00 sati.

Kontakt osoba: Mirza Konjo (mirza.konjo@komorabih.ba; 033/566-204)

| Satnica | Program* |
|---------------|----------------------------------------------------------------------------------------------------------------------------------------------------------------------------------------------------------------------------------------------------------|
| 10.30 – 11.00 | Registracija učesnika |
| 11.00 – 11.20 | Pozdravna riječ i uvodna obraćanja: <ul style="list-style-type: none">dr.sc. Vjekoslav Vuković, predsjednik Vanjskotrgovinske/Spoljnotrgovinske komore BiHNj.E. g. Elmedin Konaković, ministar vanjskih poslova BiH |
| 11.20 – 11.45 | Prezentacija digitalne platforme „Ekonomska diplomatija MVP BiH“ <ul style="list-style-type: none">Predstavnik/ca UNDP u Bosni i HercegoviniPredstavnik/ca Ministarstva vanjskih poslova Bosne i Hercegovine |
| 11.45 – 12.00 | Vrijeme predviđeno za pitanja i odgovore |
| 12.00 | Kafa i osvježenje |

*Organizator zadržava pravo izmjene programa.





Digitalna platforma* Ekonomska diplomatija Ministarstva vanjskih poslova Bosne i Hercegovine

Ministarstvo vanjskih poslova Bosne i Hercegovine predstavilo je 2024. godine unaprijeđenu verziju internetske aplikacije "Digitalna platforma ekonomske diplomatije Ministarstva vanjskih poslova Bosne i Hercegovine" koja je odranije dostupna na linku: <https://ekonomskadiplomacija.mvp.gov.ba/> kojom ministarstvo povećava svoju aktivnu ulogu podrške razvoju ekonomije Bosne i Hercegovine.

Putem ove online platforme, rad sjedišta i diplomatsko-konzularnih predstavništava Ministarstva vanjskih poslova Bosne i Hercegovine iz domena ekonomske diplomatije postaje transparentniji i dostupniji svim zainteresovanim stranama u Bosni i Hercegovini i inostranstvu.

Digitalna platforma ekonomske diplomatije Ministarstva vanjskih poslova Bosne i Hercegovine ima za cilj jačanje saradnje i bržu razmjenu informacija između sjedišta Ministarstva i diplomatsko-konzularnih predstavništava BiH u području ekonomske diplomatije. Platforma je inicijalno osmišljena kao podrška jačanju međunarodne ekonomske saradnje i inostranoj promociji bh. proizvoda i usluga, uz poticanje i promociju direktnih stranih ulaganja u BiH.

Namjena platforme je da se ubrza razmjena i dijeljenje informacija, te otvore nove mogućnosti komunikacije sjedišta i mreže diplomatsko-konzularnih predstavništava, putem instrukcija i obrazaca na online aplikaciji. Otvoren je dodatni prostor kompanijama i institucijama da se obrate Ministarstvu vanjskih poslova Bosne i Hercegovine svojim upitima i zahtjevima.

Putem platforme omogućen je pristup informacijama o ekonomskim profilima zemalja, podacima o diplomatskim predstavništvima BiH, uključujući i informacije o počasnim konzulima BiH u inostranstvu, poslovnim klubovima i klubovima dijaspore. U kontinuitetu će biti objavljivane nove i ažurirane postojeće informacije o izvoznim prilikama za koje diplomatsko-konzularna predstavništva BiH imaju saznanja, kao i novosti, članci, najave poslovnih događaja, sajmova, foruma i konferencija iz domena ekonomske diplomatije u zemljama u kojima predstavljaju BiH, ali i o događajima koji se organizuju u našoj zemlji.

Ministarstvo vanjskih poslova Bosne i Hercegovine poziva sve zainteresovane strane, u prvom redu kompanije, ali i sve institucije, organizacije, komore i poslovne asocijacije, da se besplatno registruju na platformi <https://ekonomskadiplomacija.mvp.gov.ba> i da iskoriste ovaj digitalni alat i sve njegove prednosti u vidu dostupnosti ekonomskih informacija o našoj zemlji i ostalim zemljama u svijetu sa kojima BiH ima diplomatske odnose.

*Platforma je razvijena uz finansijsku i tehničku podršku Razvojnog programa Ujedinjenih nacija (UNDP) u Bosni i Hercegovini, a u okviru projekta "Digitalna transformacija u javnom sektoru u Bosni i Hercegovini".